

# **ESTATUTOS ASOCIACIÓN DE NAIS E PAIS DE ALUMNOS E ALUMNAS DO COLEXIO MANUEL PELETEIRO E CENTRO DE EDUCACIÓN INFANTIL DORES RAMOS (ANPAP)**

Santiago de Compostela

## **I. CONSTITUCIÓN E FINS**

**Artigo 1.-** De conformidade coa lexislación vixente e normas aplicables, constitúese a Asociación de Nais e Pais de Alumnos/as do Colexio Manuel Peleteiro e Centro de Educación Infantil Dores Ramos, en diante ANPAP.

**Artigo 2.-** A Asociación terá o seu domicilio onde o teña o Colexio Manuel Peleteiro, sen prexuízo da súa propia autonomía e personalidade xurídica. O seu ámbito territorial circunscríbese á provincia da Coruña.

**Artigo 3.-** Son fins da Asociación:

- a) Manter e defender os dereitos dos pais, nais, titores/as e alumnos/as, no concernente ao ensino, educación e formación dos seus fillos/as.
- b) Promover ante os asociados/as o verdadeiro sentido e alcance da misión educadora.
- c) Contribuír a lograr unha formación integral dos alumnos/as atendendo aos aspectos morais, culturais, humanos e sociais.
- d) Colaborar co Colexio na promoción, de toda orde, dos alumnos e alumnas, mesmo coa axuda material necesaria, de acordo coas posibilidades da Asociación.
- e) Propoñer ao Colexio aquelas medidas que signifiquen unha mellora no seu labor educativo.
- f) Estimular as relacións e compenetración dos pais e nais co Colexio e daqueles entre si.
- g) Relacionarse e colaborar con outras asociacións similares para a consecución dos seus fins comúns.

## **II. MEDIOS DA ASOCIACIÓN**

**Artigo 4.-** A Asociación de Nais e Pais de Alumnos/as do Colexio Manuel Peleteiro e Centro de Educación Infantil Dores Ramos, non ten ánimo de lucro.

**Artigo 5.-** A Asociación terá os seguintes recursos para os seus gastos e atencións:

- a) As cotas dos asociados/as, cuxa contía se fixará na Asemblea Xeral.
- b) Os donativos, subvencións e demais achegas que reciba.
- c) Os intereses que produzan os fondos da Asociación.

**Artigo 6.-** O Patrimonio da Asociación.

- O patrimonio da Asociación compoñeráse das achegas dos seus asociados/as, así como outras achegas que a título gratuíto poidan realizar institucións alleas á Asociación. O patrimonio da Asociación só pode ser destinado aos fins para os que se constituíu a mesma.

### **III. DOS ASOCIADOS/AS**

**Artigo 7.-** Forman parte da Asociación:

- a) Os socios/as activos/as.
- b) Os socios/as colaboradores/as.

**Artigo 8.-**

Son socios/as activos/as os pais/nais ou titores/as dos alumnos/as matriculados/as nos Centros que paguen a cota anual correspondente.

**Artigo 9.-** Son socios/as colaboradores/as aqueles/as que persigan fins análogos. Poderán ser tanto persoas físicas como xurídicas, con dereito a voz, pero sen voto e sen dereito a ocupar cargos directivos.

**Artigo 10.-** Os/as socios/as activos/as, por constituír o núcleo básico da Asociación, terán voz e voto nas Asembleas Xerais, e serán os únicos/as que poderán ser elixidos/as para as Xuntas Directivas. En todo caso, corresponderá un único voto por familia, con independencia do número de fillos/as matriculados/as no Colexio.

**Artigo 11.-** Todos os socios/as teñen dereito a:

- a) A asistencia a cantos actos organice a Asociación.
- b) Colaborar nas súas actividades na forma que se decida.
- c) Recibir instrucións, comunicacións, consignas, etc.
- d) Formular observacións, suxestións ou peticións.

**Artigo 12. -** Todos os socios/as teñen obrigación de:

- a) Pagar a cota que se fixe na Asemblea Xeral.
- b) Cumprir e secundar, na medida das súas posibilidades, os acordos das Asembleas Xerais e da Xunta Directiva.

**Artigo 13.-** A calidade de socio/a pérdese:

- a) Por baixa voluntaria.
- b) Por incumprimento grave das obrigacións de socio/a, mediante acordo da Xunta Directiva, previa audiencia do interesado/a, que poderá recorrer contra o devandito acordo ante a Asemblea Xeral.

#### **IV. ÓRGANOS DA ASOCIACIÓN**

**Artigo 14.-** A Asociación será rexida e gobernada:

- A) Pola Asemblea Xeral.
- B) Pola Xunta Directiva.
- C) Representación do Colexio.

#### **A) A ASEMBLEA XERAL**

**Artigo 15.-** Os socios/as constituídos en Asemblea Xeral debidamente convocada, constitúen o órgano da Asociación. As súas decisións adoptaranse por maioría de votos e dirimirá os empates o voto do Presidente/a. Todos os asociados/as quedarán sometidos ás decisións da Asemblea Xeral.

**Artigo 16.-** A Asemblea Xeral reunirase con carácter ordinario unha vez ao ano, antes do trinta e un de decembro.

**Artigo 17.-** Tamén se reunirá con carácter extraordinario cando así o acorde a Xunta Directiva ou o soliciten desta, mediante escrito, asinado polo vinte por cento dos socios/as activos/as.

**Artigo 18.-** A Asemblea Xeral quedará validamente constituída calquera que sexa o número de socios/as asistentes, vinculando os seus acordos a todos os socios/as. Será presidida polo Presidente/a da Xunta Directiva e actuará como Secretario/a o/a titular da mesma Xunta.

**Artigo 19.-** É competencia da Asemblea Xeral Ordinaria:

- a) Aprobación da Memoria de actividades desenvolvidas durante o período anterior e propoñer as observacións ou reparos que se estimen convenientes.
- b) Exame e aprobación, no seu caso, do balance e orzamento anual.
- c) Fixar as normas xerais de actuación que se estimen convenientes para o logro dos fins da Asociación.
- d) Calquera outro asunto que a Xunta Directiva someta á súa consideración.

**Artigo 20.-** A Asemblea Xeral fará constar na acta do libro correspondente os acordos, que asinarán o Presidente/a, o Secretario/a e dous socios/as asistentes.

**Artigo 21.-** Para que a Asemblea Xeral poida acordar validamente a modificación dos Estatutos ou a disolución da Asociación, será preciso que concorran a metade máis un dos socios/as con dereito a voto e votar en tal sentido na mesma proporción entre os concorrentes. Se non se obtivera o “quórum” especial ao que alude o parágrafo anterior, efectuarase unha segunda convocatoria, cunha hora de intervalo, cando menos, podendo entón adoptarse acordo nese sentido, calquera que sexa o número de socios/as asistentes, sempre que entre eles voten a conformidade a metade máis un.

## **B) A XUNTA DIRECTIVA**

**Artigo 22.-** O goberno da Asociación estará a cargo dunha Xunta Directiva integrada por un Presidente/a, un Tesoureiro/a, un Secretario/a e un mínimo

de tres e máximo de doce Vogais, de entre os cales se poderá nomear un Vicepresidente/a e un Vicesecretario/a.

**Artigo 23.-** A Xunta Directiva será elixida en Asemblea Xeral Ordinaria, mediante votación, e entre as candidaturas que haberán de entregarse por escrito cun prazo mínimo de cinco días antes da data da elección. As candidaturas serano a membros da Xunta Directiva, e unha vez elixidos os candidatos/as, entre estes elixiranse os cargos de Presidente/a, Vicepresidente/a, Tesoureiro/a, Secretario/a, Vicesecretario/a e Vocais. A duración será de dous anos, podendo os seus membros, do mesmo xeito que o Presidente ser reelixidos unha soa vez consecutiva.

Os/as membros da Xunta Directiva que esgoten o prazo estipulado de catro anos poderán continuar ostentando os seus cargos ata o momento en que se produza a aceptación dos/as que os/as van substituír.

**Artigo 24.-** É competencia da Xunta Directiva:

- a) Cumprir e facer cumprir as disposicións dos Estatutos e da Asemblea Xeral.
- b) Redactar a memoria anual.
- c) Confeccionar e remitir ao exame e aprobación da Asemblea Xeral o balance e orzamento anuais.
- d) Decretar a baixa dos socios conforme ao apartado b) do artigo 13.
- e) Manter co Colexio toda clase de relacións en orde aos fins da Asociación.

**Artigo 25.-** A Xunta Directiva reunirse polo menos unha vez ao mes e cantas veces considéreo necesario o seu Presidente/a ou tres dos seus membros. Os seus acordos serán tomados por maioría de votos, dirimindo os empates o voto do Presidente/a, e necesitándose para a súa validez, a presenza de cinco dos seus membros, como mínimo. Poderá nomear as comisións que estime oportunas para a consecución dos fins da Asociación.

**Artigo 26.-** Todos os acordos da Xunta Directiva faranse constar nun libro de actas, que asinará o Secretario/a, co visto e prace do Presidente/a.

**Artigo 27.-** Corresponde ao Presidente/a:

- a) Representar á Asociación en todos os actos e ante todos os organismos.
- b) Convocar e presidir a Asemblea Xeral e as sesións da Xunta Directiva.
- c) Fixar a Orde do Día.
- d) Ordenar os pagos.
- e) Asinar co Tesoureiro/aos cheques, recibos e documentos análogos.

**Artigo 28.-** Corresponde ao Secretario/a Xeral:

- a) Actuar como tal nas reunións.
- b) Asistir ao Presidente/a para redactar a Orde do Día e cursar as convocatorias.
- c) Levar os libros e ficheiros que estime oportunos para o control da afiliación dos socios.
- d) Redactar a memoria anual.
- e) Custodiar o arquivo da Asociación.

**Artigo 29.-** Corresponde ao Tesoureiro/a.

- a) Levar a contabilidade da Asociación.
- b) Asinar co Presidente/aos recibos, cheques e documentos análogos.
- c) Asinar os recibos das cotas ordinarias.
- d) Formular os proxectos de orzamentos e balances anuais.

**Artigo 30.-** Corresponde aos/as vocais:

- a) Asistir ás reunións.
- b) Achegar cuantos datos crean necesarios á Xunta Directiva.

**Artigo 31.** Corresponde ao Vicepresidente/a e ao Vicesecretario/a asumir as funcións dos titulares, por dimisión, ausencia ou baixa temporal.

